

## Vincj puescj pe Scuele superiôr de Universitât

A son 20 i puescj metûts a  
concors de Universitât di Udin par  
jentrâ te Scuele Superiôr dal

Ateneu pal an  
academic 2012-  
2013. L'istitût di  
ecelence de  
universitât furlane,  
viert ai diplomâts  
plui mertevui e  
brilants, al met  
dongje i cors  
universitaris normai

cun percors di formazion  
interdisciplinâr di alt profil, ufrint  
mangjative e lozament gratuits ai  
propri arlêfs. Dai 20 puescj, 8 a  
toçjin la classe umanistiche e 12  
chê scientifiche economiche, 2  
riservâts ai students dal cors di  
lauree magjistrâl a cicli unic in  
Medisine e chirurgjie. Bant e  
informazions si cjatin sui sîts  
internet dal Ateneu, [www.uniud.it](http://www.uniud.it),  
e de Scuele, [www.scuolasuperiore.uniud.it](http://www.scuolasuperiore.uniud.it).  
La iscrizion al concors di  
amission si fâs vie web, dentri des  
oris 12 di joibe ai 6 di Setembar,  
conetintsi al sît internet  
[www.scuolasuperiore.uniud.it](http://www.scuolasuperiore.uniud.it). Al  
tiermin dal inseriment dai propri  
dâts, il candidât al à di fâ la  
stampe de iscrizion là che i vignarà  
assegnât un numar di riferiment  
che lu identificarà al moment de  
prove. Il modul, sotscriet dal  
candidât, al à di jessi consegnât al  
moment de identificazion il dì de  
prove scrite prime.